

早期的詩

夜合花

旅邸與修公夜話達旦並送赴馬交

燈倦X情，宵殘短夢，海天經換晨粧。
前時祖遜，從誰舞，起朝陽，雲淡淡，野茫茫，便憑欄不見家鄉。
發他樓外，青山舊影，綠樹新光。相逢莫道參商，聽江聲傳恨，風雨堪防。
更憐千古，幽人空老詞坊，多少事，落杯觴，有輕舟，飛渡橫塘，
歎滄波上，煙迷南北，水路方長！

無題。（Circa 1945）

一架傳音器，遙銜簫鼓臺。
歌詞江左異，優孟嶺南來。
不見梨園趣，惟聞楚曲哀，
幽齋心寂寞，聊放樂聲陪。

抱璞叟聽盛猷三鼓琴唱曲

憶昔中秋夜，曾聽子撫琴，
當時聲向月，一別夢如音。
聞道前宵客，猶為故園吟，
逢場總辜負，不盡舊時心。

x討孝強將軍並談國事

中原夜夜亂星窺，天地渾渾共孰（執）持，諸葛表傷鵬舉淚，文山歌為史公悲。
千年感慨成今日，百世興亡在此期，不使雄心便沈寂，山河風雨壯君詩。

雨夜訪友。（Circa 1945）

宵寒還見雨霏霏，一寸心愁去住非，
未易酒傷為客別，且留詩句待人歸，
琴聲跌宕音多怨，燈影闌珊事更微，
豈有人間盡寥落，明朝吾汝又相違。

早期的詩 (繼續)

赤柱冬遊

重來山水總依然，雲暗風寒欲雪天。寥寂人家初晚爨，零星漁火上江烟。
旗亭酒熟心如醉，籬落花香鯉更鮮。風景不殊堪一唱，當筵誰作李龜年。

元朗途中

纔為出處想，身已到荒洲。海濶無人渡，山高欲自浮。
雲心縱氣象，浪跡付春秋。白日高歌裏，幽懷起我愁。

遊淺水灣

家貧不減登臨意，又向江灣望夕陽。
幾度山形分海界，無窮天際遇帆檣。
身悲去國遊閒日，誰識吾才落異鄉。
不盡千愁惟一仰，迷濛淚眼看風光。

夜醉感賦

烽火如今已八年，滿腔憂憤集尊前，
仰天車往醅難醉，攬影人孤夜未眠。
牖下時聞通馬隊，宵寒漸覺薄冰天，
推門欲出排愁去，曲巷何如欲辨玄。

八聲甘州

歎殘陽輕易許長天，又更換春秋，問一輕（聲？）花落，當時燕子，飛向誰樓？
早料東風如此，帶雨灑入神州，應識長江水，不是永流。

莫說多情淚眼，對滄桑自歎（？），怕到山頭，便鶯聲新唱，能了幾番憂？
想韶光消磨歲月，為那人，虛負待歸舟，休回首，殊鄉將晚，何事淹留。

胡公招飲即席倒次韵醉答

山水相於意似仙，勸杯難得主人賢，
醉餘夜久緣洲唱，門外渾念尚驢羈。

早期的詩 (繼續)

晚眺寄懷紹弼寂園褚公廣州

雲山北望暮生寒，萬木蕭蕭秋更殘，
江海有帆依水渺，蒼冥舉雁過空寬。
眼邊華鬢人同惜，樓外狂波我慣看，
若使群賢當此際，定多心事落沅瀾

夜飲胡公山房次希公韻

浩浩雲如墨，酸風射眼醒，
橫江飛浪白，隔岸失山青
醉步沙心軟，搖魂海氣冥
天涯孤影慣，詞客歎無靈

雪夜 (circa 1945)

萬里愁雲結，山泉不下灘，
驚風飄雪舞，荒舍上燈寒，
臘象林枝白，熊窻炭火丹，
行人應絕迹，何處馬聲酸。

楊州慢 用圻同韻賦鴨利洲太白舫夜飲

雲擁斜陽，雨催秋暮，輕舟重到江潮，悵千山漸隱，
空賸酒旗招，念湖海幾回舊恨，群芳縱艷，難寄魂銷，
但興懷故國，何能不醉。嬌嬈又桅燈亂，倚欄干，
杯送驚飈，獨夜盡金波樽餘画舫，身外迢迢問十年孤客，
笙歌夢，誰慰沈消，又帶愁歸去，更因兵馬南朝。

午睡 和懷公韻

斜雨寒意過午天，閒閒（？）孤抱與誰宣，
樓深客倦討（？）難遣，心念棋殘意更玄，
寂靜支頤能入睡，迷離持夢欲成仙，
搖魂碎影多前事，一覺黃昏獨悵然。

早期的詩 (繼續)

X和懷璋大人初寒之作

十月初寒檢舊衣，啼痕酒漬換狂痴，
風塵眼底容思倦，骨肉書前總恨雌。
小閣人閒偏細雨，一燈誰在共深卮，
心頭萬事成殘夢，只得黃花一秀枝。

過秦樓 石塘晚眺

繡閣煙殘，翠鶯巢改，喚曲錦箋非故。蒼崖影暗，碧海波寒，掩映酒家千炬。
多少扇底桃花，都化真娘，作胡璇舞。歎青樓髣髴，人間春事，盛衰如許。

休更說，吩咐歌筵，閒招紅粉，莫負少年風趣。
金嬌縱盼蘇小能歡，可慰蕙心蘭緒，憑檻庾郎自悲，
人倦伶俜軍聲羈旅，算群釵接蓋，香滿章臺舊路。

中晚期的詩

1982 贈湯啟光生日

自信雄心老更堅，晚成大器始驚天，
人間愛惜兄才藝，未見前賢及弟賢。

1985 遊瑞士洛桑湖

聯峰聳青翠，坡野綠如茵，
參差樓閣美，倒影入湖濱。
湖水澈青玉，山光影白雲，
世上無塵事，何不學仙人。

1985 遊瑞士登鐵尼士峰 Titlis

雪嶺終年白，冰晶石峭岫，
懸崖如削壁，群山入畫圖，
登峰凌萬壑，一覽足情豪，
不與人爭競，何須天比高。

中晚期的詩 (繼續)

1985 遊瑞士登法境米迪峰望蒙白蘭山

雲深雪寒，萬山接天，登高不怕艱難，似雄心少年。
懸車霧煙，如離世間，蓬萊彷彿當前，笑奇峰獨尊。

1986 贈湯淑慈

漢有班惠姬爲兄脩漢史，
晉有謝道韞爲叔詠雪詩，
何況稱帝王唐朝說武氏，
當今興教育雌雄無彼此，
失敗在疏虞成功在專志，
不斷求所長努力自得利。

1990 遊希臘臨別晚會時

晚會希臘未高羅，
忘懷同唱少年歌，
今宵歡樂堪長憶，
明日遊船看海波。

1992 遊南美智利作鷓鴣天詞

暫釋名繯與利絲，八千里路到支尼，
歌聲各有青春感，笑語相忘歲月摧。

車軋軋，日遲遲，飽看南美海之湄，
人生難得同行樂，親愛無如共樂時。

中晚期的詩 (繼續)

1994 遊長江三峽

(一)

長江三峽古荊州，堪笑周郎夢裏求，
雲雨巫山千百美，壯哉橫覽一船收。

(二)

忽將四月憶歸來，萬里經遊亦壯哉，
相訴肺肝同下榻，爲看瀑布共登台。

費城舊宅隨尋覓，紐約康衢日往回，
難得平生嘗此樂，鶴鴒時夢苦依偎。

2008 贈湯啟光聖誕

寒夜裏，燈火萬家忙換歲，
蕩氣歌聲人盡醉，誰省春秋雨。
九拾韶華虛度，泗水沙門灌耳，
文會舊歡何限事，思量如夢寐。

不休亭 贈王雄嶸醫師

風雲日月為常健，河嶽春秋道不休。